

永濟縣志

第十三冊

永濟縣志卷之二十二

藝文詩

古風

虞

思親操

舜遊厯山見鳥飛思親而作此歌

陟彼厯山兮崔嵬有鳥翔兮高飛瞻彼鳩兮徘徊河水洋洋兮清泠深谷鳥鳴兮嚶嚶設罽張罽兮思我父母力耕日與月兮往如馳父母遠兮吾將安歸

南風歌

南風之薰兮可以解吾民之愠兮南風之時兮可以阜吾民之財兮

南風操

反彼三山兮商嶽嵯峨天降五老兮迎我來歌有黃龍兮自出於河負書圖兮委蛇羅沙案圖觀識兮閔天嗟嗟擊石拊韶兮淪幽洞微鳥獸蹢躅兮鳳凰來儀凱風自南兮喟其增悲

卿雲歌

舜將禪禹於是俊乂百工相和而歌卿雲帝唱之

八伯咸進稽首而和帝乃作歌

卿雲爛兮糾縵縵兮日月光華旦復旦兮

八伯咸進稽首而和

明明上天爛然星陳日月光華宏于一人

帝乃載歌曰

日月有常星辰有行四時順經萬姓允誠於予論樂配天之靈遷于賢善莫不咸聽龔乎鼓之軒乎舞之菁華已竭
褰裳去之

舜祠田辭

荷此長耜耕彼南畝四海俱有

殷

夷齊采薇歌

登彼西山兮采其薇矣以暴易暴兮不知其非矣神農虞
夏忽焉沒兮我安適歸矣吁嗟徂兮命之衰矣

周

段干木歌

呂氏春秋曰魏文侯過段干木之閭而軾之其僕

曰君胡爲軾曰此非段干木之閭與段干木蓋賢者也吾安敢不軾其僕曰然則君何不相之於是君請相之段干木不肯受則君乃致祿百萬而時往館之國人相與誦之曰

吾君好正段干木之敬吾君好忠段干木之隆

唐

條山蒼

韓愈

條山蒼河水黃浪波紆紆去松柏在山岡

宋

首陽山

郭士道

首陽山青龍從上聳紫蓋凌虛空下周林壑盤蒼龍嵯峨
自太古翠律鎮寰中黃河西來繞其下日夕雲氣開鴻濛
恍疑鬼神護又是丹青工諸峰不敢並蒼翠光玲瓏我生
癖性愛山水見此奇絕摩雙瞳忽憶武王收諸夏夷齊叩
馬來山東風雲變化適際會恥逐龍虎爭奇功歸來守巖
穴鬱鬱抱孤忠朝采山上蕨暮拾山下蓬渴飲澗中水熱
眠雲外松既不學赤松子又不侶商山翁丹誠耿耿照白
日勁節懔懔摩蒼穹首陽青青萬古色不改夷齊之心胸

直與天地相終始千載扶名教二子功無窮我歌首陽歌
未歇泠然入表生清風
明

五老歌

楊博惟約

曉披五老峰上雲晚釣五姓湖中鯉忽逢漁父三五人問
是五姓誰家子自云無姓亦無名流輩相傳常釣此月落
天昏駕小舟從來未見風波起得魚心自安無魚心亦喜
公昔提兵在薊門單于繫頸呼韓死頗聞飛語轉流傳彫
弓幾付東流水東流水真可笑何如相將日垂釣白雲冉

再生元鶴雙雙叫極地與窮天居然不盡其中妙

國朝

送吳雯歸中條

王士正

月始在房羣陰終凍禽塌翅啼酸風呂生置酒邀我飲清
歌笑倚商玲瓏朝來宿醒卧未析吳郎告我歸河東北風
雨雪滿天地層冰千里高穹窿行人皸瘃手指墮狐裘嗟
汝故蒙茸長安甲第高入天馬蹄動地聲隆隆將酒霍肉
不足道金玉磊砢堆堂中汝詩千首文百軸滂塗未拔誰
相通汝家王官谷中條青濛濛藤蘿相糾水相激至今猿

烏悲司空汝歸讀書甘菽莢致君堯舜曾有日飛伏詎辨
誰雌雄

望首陽弔夷齊墓

周景柱

聖人師百世清風留萬古首陽名與太華高端然託此一
抔土扣馬之事後世疑論定千秋有孔父殷周瞥過如逝
鳥陵柏鬱鬱茂林莽大河浩浩去不息流盡歲月不計數
二子之名終未歇直與乾坤久相處當年困餓甘如飴食
薇何曾心覺苦

短歌

查克丹

夫懷經尺之璧弗可療饑藏一斛之珠亦云玩物
故太陰兆其瑞山盡含輝富媪効其靈地不愛寶
良史簪筆祥雲與甘露同書太常賜酺仙醴與靈
芝競美上志天祐下紀坤珍也丹履霜戒嚴飲冰
志篤承乏在晉分守於蒲一麾茲土慚我澤之如
春兩袖清風信臣心之似水茲以奉公開府攬轡
太原適毅農明府來報長至日得雪二寸講院前
湧泉一方丹之幸明府之澤斯民之福也載一鶴
而返旆毛羽共其鮮妍飲五馬而投錢肺腸比其

清潔梅花夢而相笑卧閣皆春松脂凍而凝香比
閤多壽願同人賡白雪之曲續甘泉之章藉志休
徵用光私乘爰作短歌八解以爲引至先聲焉

佩連城玦不如得二寸雪昨聞永邑長至節幕中白戰不
持鐵一解求珠於淵不如得一醴泉昨聞蒲吏得一泉新

湧講院前二解民曰此雪天報太守之清潔予亦曰此雪

爾民勤勞當樂業在天爲六出花在地爲桑與麻天將使

白玉無瑕滿吾民家三解民曰此泉天報太守之清賢予

亦曰此泉爾民勞苦當延年修綆以汲是爲靈液如明德

水之神力入調疴七不饑

四解

民曰非雪太守恩膏天爲

之結予亦曰非雪爾民和悅蒸爲玉屑民氣和歡聲騰處

祥雲多釀爲華黍兼嘉禾

五解

民曰非泉太守恩波徧吾

野田予亦曰非泉金銀之氣如壺方而嶠圓在地爲泉在

民爲布天將使吾民多富

六解

民自樂其富有况爾郡之

太守民自樂其黃耆况爾邑之父母爾太守爾父母但索

梅花共樽酒

七解

雪兮泉今天將徧澤乎晉民之田兮徧

永乎晉民之年兮天將使晉民將富他日越境之太守爲

爾民選一大錢

八解

首陽謁二賢祠

姬光璧

山風清且長我來秋風裏古人不可見古木荒葛藟蕭然
一餓歸山邱剖心墓封不及此伯仲之間四聖人武周胡
獨惜銘誅茫茫千載疑傳疑嗚呼此義我知矣褒諡母乃
傷厥心商祀六百存一死我安適歸本求仁亮節不希畱
青史始知聖人識聖人道可並行惟其是重重碑碣贊何
庸自有清風師後起瀾漫煙雨遠山來去去遲畱何能已
癡兒

時攜籍
兒往

展拜且加虔云是孤竹之二子

五言古

南齊

蒲阪行

陸厥

韓卿

江南風已春
河間柳堪把
雁返無南書
寸心何由寫
流泊
祁連山飄飄
高闕下

梁

蒲阪行

劉遵

漢使出蒲阪
去去往交河
間謀敢虧對
驂馬脫鳴珂
乍作
渡瀘怨何辭
上隴歌

後周

就蒲阪使君乞酒

庾信

蕭瑟風聲慘蒼茫雪貌愁鳥寒棲不定池凝聚未流蒲城
桑落熟灞岸菊花秋願持河北飲分勸東陵侯

州舊志所載古詩有宋南平王劉鑠過歷山湛長史
草堂并湛茂之和作然彼所謂歷山蓋江南地與此
無與也

唐

贈張元素先生

元素卽張果
曾隱中條

李頎